

Ciengqdaeng Lozyez:

Euciengq Saedcej Vuenyungz Huzndei

乐业唱灯：唱响幸福和谐生活

□ Mingczuz Yenzhungz



▲ Hagseng iq yienj《Foux Lungzdaengq》.

▲ Moix baez yienjheiq vunzlai humx yawj.



▲ Canghheiq laux son gyoengq bouxcos yienj heiq ciengqdaeng.



▲ Canghyienj dajcang vadgei yinxvunz.

Ciengqdaeng Lozyez, youq citheiq Guengjsae ndawde ciemq miz diegvih youqgaenj, dwg citheiq deihsueng caeuq daeng'va Yinznanz、Gveicouh caez ndei yawj okmingz. De dwg citheiq vwnzva ndawbiengz maenhndei rangh dieg Bouxgun lueg-bya baihsaebaek Guengjsae, dwg gij lemqlw heiqdaeng gaeuqgeq. Bi 2010, heiq ciengqdaeng Lozyez ndaej lied haeuj swcigih feih vuzciz vwnzva yizcanj mingzloeg.

Ciengqdaeng Lozyez daj Ciuhcingh seiz Ganghhih、Genzlungz couh miz, daengz seizneix gaenq miz 300 lai bi lizsij, youq Ganhdenz、Lozsah、Dungzloz、Youbingz daengj gij yangh Lozyez Yen rangh dieg Bouxgun comzyouq neix caeuq Yihungz Yangh Lingzyinz Yen, Langbingz Yangh Denzlinz Yen daengj dieg henzgyawj de riu zcienz lai. Lozyez daj ciuhgeq couh miz gij vwnzva cienzoengj ciengqdaeng foux lungz, moix bi seiz hongsoeng roxnaeuz ngoenzangq ngoenzciet, cungj miz doihdaeng haeuj mbanj daengz ranz angqhoh cieng moq roxnaeuz goenghoh guhranz、aebawx haqlwg daengj. Itbuen doihdaeng youz cibroek boux vunz gyoebbaenz, miz bouxcouj bouxdan, song boux roq gyonglaz caeuq bet boux roxnaeuz cibngeih boux riu daeng lai saek. Moix aen daeng gwnzde cawz veh miz dujva go'nywj duznou duzbya le, lij faenbied sij miz "goeng" "hoh" "cieng" "moq" "rumz" "swnh" "fwn" "yinz" doengh gij cihsaw neix, diuq fouxdaeng seiz mboujduenh baij ok coij saw "goenghoh cieng moq" "rumz swnh fwn yinz" coenz vah gitleih neix, doq foux doq ciengq gij diuqgo ndawbiengz, neiyungz dwg hoh ngoenzangq, vunz dangdieg heuhguh cet mbanj caijdaeng, itbuen cungj haeuj daengz gyanghohg、ranzding

bae biujyienj. Youq goekdaej go foux caijdaeng gwnzde, canghheiq doihdaeng (bouxcouj bouxdan) mboujduenh demgya neiyungz moq, yienjciengq gij gojgaeq miz di cingzciet haenx. Gyoengq canghheiq youq seiznanz yienjciengq ndawde, mboujduenh supsou "fwen gingq ien" "diuq gaujvaq" "diuq soengq beix" daengj fwen, lij supsou le mbangj diuqciengq canghmo, aeu daeuj yienjciengq gojgaeq, go foux caijdaeng caeuq ciengqdaeng cugciemh biekliz, baenz le cungj citheiq miz daegsaek deihsueng ndeu.

Ciengqdaeng Lozyez dwg daj yisuz ndawbiengz foux lungz caijdaeng hwngfat hwnjdaeu, daiq miz yiengh go foux haenqrem, biujyienj doq ciengq doq foux, aeu ciengq lawh faenz, aeu duenh swzciengq raezrangh diemj ok bouxvunz、lwnhgangj gojgaeq, youq citheiq cienzoengj ndawde ciengzseiz miz gij swzciengq baenz geicib coenz guh duenh ndeu. Gij hongdawz mwh biujyienj dwg fanbeiz caeuq gaenfwngz lai. Gij yaem'wenq de, diuqciengq faen miz "cingqbanj" caeuq "diuqiq" song loih; swzciengq dwg faen coenz gwnz coenz laj, dingzlai dwg coenz haj cih、caet cih、cib cih, caemh miz coenz raez coenz dinj. Vah gwnz daizheiq dwg aeu Vahgun Gveiqliux ciengq.



▲ Canghheiq cangndang ndei yaek hwnjdaiz yienj.

Gij gizbaiz buenxciengq de miz "fanh bi angq" "daih haimonz" daengj. Yozgi buenx ndaekroq ragngod miz gyong、laz、moegnyawz、cacemq、ngeihyienz、nyiedgimz、aendig daengj, aen sigij gonq caet cib nienzdaih mboengqdaeng, demgya le yieyngimz、loxlez daengj yozgiz buenx ndaekroq ragngod.

Heiq ciengqdaeng diuqgo ndei dingq、citheiq loihhingz lai yiengh, youq Lozyez miz goekdaej nanwt, vunzlai mboujdan bonjfaenh gyaez yawj, vanzlij gyaez hwnjdaiz biujyienj, comz banh "aenciet vwnzva lijyouz ciengqdaeng" baenzdauq hozdung, gaenxmaenx dwk hoengzyiengz le minzcuz vwnzva caeuq hawj saedcej vunzlai lai cungj lai yiengh.



▲ Gyonglaz gimzyienz buenxciengq.



▲ Daxgoeng dahlan yawj dwk maezmwd.



▲ Gyoengq dahsau diuq fouxdaeng.



▲ Cüheiq《Bajcaet Haq Bawx》vunzlai gyaez yawj.



▲ Nyez iq cienz ciengq《Diuq Roeglaj》.